

雲林詩集者元禮部尚書阮
高貞先生之父文靖公所



名奎字仲章早仕元為集賢直學
士沒贈翰林學士追封廣陵郡
侯謚文靖甫十歲能屬文既壯
博極經史百氏之書自龍飛不
究心焉

所著有聽雪高紀青山漫吟倦
遊集。豫章稿。上元新錄。南州紀
行等卷。形槩間以采書。曰收諸

秘府。遂失其傳。唯以雲林詩集
僅藏於家。而亦未全也。曾孫選部
正郎元禮。君世其業。迺蒐諸元大

家。惟中更得律詩。以爲千篇。手
錄成帙。屬余爲之。余忝守茲
鄰。允故族之文。然皆欲嘉慕之
以風勵。沒學刻公之詩。超然古
作也。評者謂不在虞揭諸公下。豈
不信其然乎。謹述其際。以識歲月

于卷末以多公父子間豐蹟茂於
則有當代鉅儒王文獻吳草廬
二先生書之備矣是用命工刊
諸梓以永其傳云時

弘治庚戌冬二陽月天台元記吉謹識



首文靖公雲林詩集序



夫人有一心統乎性情性則涵理而靜情則感
物而動情有喜樂哀憤好惡故發而形於言言
之不足而至於嗟歎詠歌自然有聲音節族之
可聽而謂之詩稽之於古則然矣豈獨後世有
詩哉是故唐虞三代之時老人有擊壤之歌童
子有康衢之謠卿雲南風至臯陶之載賡五子
之感怨箕子之麥秀無非詩也至周而詩極盛
其三百篇則經仲尼之所刪而存者先儒謂刪

後更無詩者非無詩也。謂雅不作耳。自時厥後一變而為楚騷。屈原九歌則涉於怨懟。宋玉高唐則流於荒淫。至丹變而為漢之五言。三變而為七言。繼而歌行雜體。後人多以是相慕效。而作各極其所至。為名家。自建安黃初。以及盛唐晚唐。繇宋至元。作者迭出。其有名公。違官所撰。雄詞傑句。往往為人所採輯。梓行於世。或有為子孫所珍。歲閱而不顯者。亦多有之。是殆不如山林處士。釋老之徒。其文字反得托諸汗竹。以

傳甚可慨也。洪武乙亥。余始領教宣城。嘗遊柏山。吊聖俞梅先生之墓。得其後人所抄詩藁。首末殘缺不完。心甚惜之。及考歐陽文忠公文集中。所為序云。得其餘藁千餘篇。并舊所藏。掇其尤者六百七十七篇。為三十五卷。以今較之。十未得一耳。可不為深惜哉。於是復聞南湖翰林學士仲章貢公。其子尚書師泰公。父子並顯於元盛之時。思欲訪其故居。以觀其子孫所藏遺藁。為摩於職。竟不獲。造竊以為恨。及入教國子

之廿年歲在甲辰秋七月既望其三世孫有曰
蘭字斯馨者以公事遊南京謁於橋門官舍持
所錄二公之神道碑墓誌銘及詩藁一集來示
始知公家世出處之詳公諱奎字仲章父士濬
其人敦厚質直以勤儉起家嘗曰富以力者苟
得必易覆以德者難効必致遠故其積有恒產
雖豐裕有不妄費務賑貧之作義塾以恤鄉里
以教示姻子弟仲章公幼時士濬公愛之甚於
諸子嘗曰三郎和易端重穎悟過人吾世有蘊

德發必在是兒也及壯讀書甚勤於經史子傳
無所不治於文章辨義閤放倘環不狃早近必
以古為師自是以文學發身始授沁陽之齊山
書院山長尋徵赴吏部至德六年中書奏授太
常禮部兼檢討九年遷翰林國子院編脩官
至大德六年轉應奉翰林文字預脩成朝實錄
丁秘書府君憂延祐元年終制除承事郎江西
等處儒學提舉五年遷翰林待制修成廟實錄
書成特賜金幣至治九年謁告歸里第與兄仲

堅甫奉太夫人及太夫人卒終制起復為翰林
待制拜集賢直學士階奉訓大夫天曆元年文
宗即位命公往祀南鎮二年春還自會稽涉吳
中以疾歸夢夜賦詩有云竹樹瀟灑夾泉石九
轉丹成生羽翼自意為不祥果歿其平昔所友
者若清河元明善東平王士熙四明袁楠巴西
鄧文原長沙文矩悉當世豪傑聲名之士其平
昔所著書總若干卷有所錄梓悉上送官藏之
秘府其外集聽雪齋紀青山謾吟曰倦遊集曰

豫章藁曰上元新錄曰南湖紀行然歷兵燹未
免散軼今所存者惟雲林小藁而已辛先生為
序之予曰爾祖以文學發身仕於勝國超至華
顯入鑾坡禁林之邃名高一代文照千古既壽
諸梓以取入秘府未得以廣其傳可為深惜今
爾後人所珍藏者但有雲林一集豈非存一二
於什千也哉歐陽子謂聖俞詩窮而能工余則
謂仲章公詩達而能工然是集
國朝翰林金華景濂宋公已為之序余恨失之

斯馥之賢特屬序於余第余以衰陋之資不腆
之辭非有卜商之文學又安敢序公之詩哉但
以斯馥請之固姑綴是語歸之俟後當有執鉅
筆者為之發揮云

洪熙元年龍集乙巳春三月之望南京國子助
教三山陳嶷書

貢文靖公雲林詩集目錄

卷之一五言古風

襟言

秋懷

紀夢

避暑

敬亭山

贈唐立夫人

天遊亭


會陳仲五首

夢故人

送牟景陽并寄其兄

題董簡卿所賦蕭湘圖和虞德生教授韻

夜坐



謝鄧善之袁伯長二兄兼次韻

京城客館

集廉園

長春宮同伯長德生儀分韻得山字

題淵明圖

贈碧溪相士

觀梅貽賈元播刑部

同元學士諸公以落月滿屋梁猶疑照顏色之詩

為韻賦贈鄧舉之官江淞

夜坐

伯長南歸余方北行以詩見貽因和以謝

洪璜驛樓

上京

詠史

雪晴

送夾谷伯敬之官單父

送良史

亦樂堂

南劍教授揭從年惠詩就次韻以餞

壽關承旨二首

盧溝野亭

和袁伯長冬至燕集韻

題雲東軒

題陳氏所藏著色山水圖

雪中

題楊玄翁千載心堂

書巢

秋日陪大學士趙公懋龍山玄真宮

題城南讀書圖 題歐陽氏思亭

題群鴈圖 登齊山

銅官山 虎林玄妙觀

賀胡則大贈別詩 茶麩架

宿鳳口會九萬兄 過雲川橫山

自紫極宮出關謁徐孺子墓

登虎丘山 即事

聞張彥清學士田真部訪郝尚書于西山

題舜舉秋山圖 思親

卷之二五言古風

元日書懷二首 謝劉蕪英劉元昂二兄見訪

襟言十首次徐芳谷韻 河上阻風次韻袁伯長

舟泊蔡家店 貫州

賦得新月 碎舟

袁伯長虞伯生始約同舟南歸既而伯生留京臨別
以雲詩見贈舟中奉和以寄之

送別劉道夫

送胡伯恭之官靜安

和日和畬友人

次韻年成甫

送九萬兄之樂清主簿

題玩芳亭

寄公瑾憲史

集雲從山

宿崇光道院

贈送曾提舉

送俞元明之官僊居縣

情話堂

贈楊醫士

送史助教代祀西嶽

寄吳子彦

拜醮北觀二首

送張謙仲南其御史

送開之南歸

次韻虞興詩五首

贈胡雲明

過四寨

雜言四首

雨中

送吳子彦北上

送史高士謁吳門

陽豐次家兄韻

真州

度昌梁洪

沙河

河流冰

題呂氏獨樂堂

陳氏思蘭亭

讀馮伯庸學士止酒詩

送魯曾感光師

題勉菴

次韻王敬仲秋蘭詩

題齊舉山水圖

贈黃少游遊金陵并東華歲暮

正月立春後雨中作

次前韻酬張剛甫熊雪嶠西雨三君子

贈松澗相士

贈李三生

七月五日旦坐

訪海昌習秀才自題其壁

卷之三 七言古風

漢劍歌

題劉氏博古圖

九月廿七日龍溪寄王敬州

贈送蒙古字用教

寄示師文姪

寒食掃松即事

雙溪泛舟

送鄧肖梅高士歸三茅山

和潘伯潤憶西湖行

將過池陽留別諸州兄弟諸友人

歲晚寫呈大人

居庸關

鵬窩

題山水圖

貽郭安道學士

袁伯長晚訪

贈任丹碧鍊師

送郭教授歸鎮江

贈鄭醫士

題楓林牧馬圖

玉四

秋月歌贈潘生

贈倪生

贈張娃

送朱伯亨

題九歌圖

送徐教授赴欽州

簡杜希聖

無題

張侯禱雨行

賣雞行

呂梁洪

贈胡天牖道人

彦清贈疇齋復古殿端研率同賦

高侯畫桑落洲望廬山

袁伯長虞伯生約重賦次韻

題江南林石圖

謝李息齋惠墨竹

率舟行

度關行

除日登大巖山

題天鶴圖

寄廣東阿魯威元帥

贈李生

題楊士允雅志堂

贈楊生

贈竹菴

題石潭贈教授葛

題商侯畫山水圖

楊義方參政示舊題玉隆山詩因次韻

為皮昭德題盧鴻志圖

文泉為昌化陳晞仁賦

招張師夔畫古柏 積雨行

次韻畚陳華仲 次韻畚吳子彥

淮水流 濟州

送崔即中之高麗 醮晴行贈呂真人

喜鵲來 題虛一山水圖

贈子虛居士 壽定保二尹先生

奉朱澤民提學士賦山水歌

卷之四五言律詩

雨中

題侯氏竹溪

靈芝

題申氏二老圖

題安堂

贈桑梓山

送劉道夫

贈別友人

秋日陪集曠學士趙公敬懋龍山玄真宮

城南即事 二首 和鄭義山韻

慶壽堂 二首 贈蕭南翁

題李氏奉親堂 贈孔令尹

京城東嶽廟落成詩簡吳宗師 二首

題馮少府墓誌銘後 試院次韻會吳早廬先生

次張太玄韻送王秀才

陽野道中 二首 鐘花

贈薛玄卿 即事

憶昔 次韻吳養浩

和戴剡源同史憲使遊三天洞 七首

寄呈東岩存心南湖諸林父九萬履道二兄仲遠

仲弼君直三弟兼示師文師仁二姪

江中遇雨

同朱克齋將教授遊大梵寺 四首

再和前韻 湖中

雨窓 贈茅山鄺道士并寄梁中砥

德清道中 題傅弘中道士山房

出宣州馬上偶成 題徐仲車祠

居庸關早行 槍竿嶺

李陵臺 發通州

次韻袁伯長舟中襟書 五首

宿三關

濟州

濟州寄張子仁監丞

雙溝阻風

清河

彭城夜泊

卽事

真州

雨後

朝發宣城

和銅官卽事韻

郊行三首

題仇氏先蹟卷

和馬伯庸學士送史正翁赴

送歐南陽訪程雪樓丞旨

揚仲舉經歷母氏真節詩

和張疇齋養花詩

寄題西軒種竹

夏熱

輓丘君澤

輓潘月梧

輓高討翁

輓杜壠翁

輓曹夫人

輓文遜志學士

輓申屠御史

輓趙方塘學士

輓吳饒國公

輓徐處士

題孔昭祖高繼淵二君友序後

題京學所壁

卷之五律詩

無題

立秋日留陽墅菴

郊行

寄朝省諸公

久留翰院思歸

寄張芳洲

舟過湖州

得家書

通州道中

懷胡則大

餞王敬升

送胡則大赴宣州學正

贈無菴沈相師

杜仲悅知事庭桂產芝

試院秋日即事

寺丞公索賦鶴雛

五月三日出城南書所見

送汪炳志

邳州

送謝明遠之官平江

送汪炳志之南安

采石磯

惠安橋

送馬伯庸學士赴上都

過河西務

題宋梅洞獻書圖

送師道姪赴大常奉禮并寄勉師恭

司業李公哀挽

題并父房壁而歸

輓張天師

題大石資聖寺

五言排律

送管濟齋歸廣信

送高羅谷學士

賦牡丹

次王士容經歷賦廣東廿韻

慶慈母得之母八十

和曹寄清高士止酒詩

題虞少監小像

舟宿荻港

壽閻承旨

卷之六七言絕句

題梅聖俞千越亭

吊古戰場

題趙子昂黃庭經

秋日憇龍山玄真宮

送高羅谷學士

新店

槍竿嶺

李陵北臺次韻揚學士

出郭五絕

上藍寺

驪山宮圖

九成宮圖

試院和史叅政韻

題扇

送胡務本秀才往上京

題奧屯滄江憲使所藏八駿圖

贈吐石道者

贈相士

偶書

贈相士周神眼

戲作竹石贈陳周卿

小龍團送袁伯長

題清溪圖

舟中偶成

次袁伯長食河魴詩韻

次袁伯長惠瓊花露酒詩韻

梁山灤次袁伯長韻 揚州贈危功遠

過廣德

偶成

夜況

次胡則大秋日韻

秦定甲子春築亭以奉親扁曰愛日賦詩六絕

題趙平遠盧疎齋小像

春日呈池州郡守陳秋岡

寄族泚可齋

寄凡堅齋

寄弟仲實

池州郡齋除夜寄呈家君

贈馮真者瓊壺

寄友人

夏夜

病中三絕

題停舟望月圖

贈雲心翁

贈潘伯潤

題郭西錢佛寺

同張所翁訪吳芝田書其壁

秋夜

贈杜訥子

湖州南橋書所見

從兄九萬餽魚并贈以詩用韻謝之

池州別胡則大

寄朱克齋

望池州山

偶書

題畫

題趙子昂所畫牧馬圖

洪林道中別凌德庸

慈湖磯

采石艤舟見葵花

宿古柳墅旦起買舟新濟

題倪氏今是亭

題孝猿圖

題梅溪深處

題三廷圖

題扇

定齋

畫馬圖

題百鴈圖

春早

謙上人

寄徐檢校

題墨葡萄

送周善長憲使

題柱笏亭

過魏氏菴

題畫

贈懶畊道者

次韻寄王提舉

贈碧湖相士

贈駙馬楊中齋

寄報國寺新咲隱

贈李一菴相士

絕句

雲鏡亭

寄周儀之

紡績圖

題胡古愚京華襍詠卷

題畫

一齋

雪意二絕寄韶集卿

月十二日達通州時水始開舟適先至

梅

錄卷終

貢文靖公雲林詩集卷之一

襟言

志士常惜日達人寧慕名寡宜尼聖長歌愧

耦耕六籍矧已殘紛紜起亡羸守經漢儒者策


世何所成聖功苟云効致澤希阿衡赫金僊

化奈矜勢方行歸歟歎歎樂豈係辱與榮

璞玉不自售匣鏡騎空塵豈復妍媸鑿內蘊

流雲有時滅圓魄湛清是不見荆山韞終

為百代珍



秋懷

瑤漢夜澄寂烈；羣象嚴浮雲翕交互圓光尚
微纖階虫競鳴聲濕螢度虛檐持志惕自警屏
管以深潛驚颺動幽幌凝香啓方奩榻；莊生
蝶秉志能養恬雞鳴何孽；憂心愧如恢
蕤；庭前樹紋；美人姿秋風白露下華葉日
以委玄蟬抱餘蔭音響一何悲物性固其常代
謝詎睽期繇知是貧賤所守寧爾移
坐久閱衆籟息吹字吳真虛庭貯靈采孤槐影

穢層攬衣起旋舞愧此旅力勝素養豈不善而
以禮法繩立賢矧聖術私智非所矜念彼東園
庀延蔓亦有憑齊物非至言維古恒自徵

紀夢

癡兒忽在眼夢覺萬里外寄身如浮雲起坐發
長慨所以棄汝來恩義固有賴讀書雲林齋坐
閱景明晦勤懶出天性責善係亦大我歸須可
期秋江斫鱸膾

避暑

避暑北山下脩篁夾林陰客來澹忘言稍覺清
我心酷暑尚可避酷吏不可禁迹絕畏途輒涼
飈散塵襟却嗟避名者猶恨山未深為言暑與
吏縱酷何能侵

敬亭山

名山镇宣郡古祠崇敬亭傑構靚深岩飛廊引
重高陟彼百仞高始覺萬類形樓殿勢益弘兵
衛森幽靈增秩覩隆典綸音播明廷豐穰交祈
報烟燎浮芳馨竹樹蔽險窅虛欄俯南垌麻姑

湖上碧華陽天際青神颯颯然起新涼濯微醒
疎雨暎白石垂虹截蒼冥永言李謝遊豈惜歲
月零悠悠孤雲去渺渺從雙駟招之殊未來莊
思展函經

贈唐立夫

馬昂夫之弟也

我交海內友頗識男子奇君家好兄弟高林玉
連枝偉哉清獻公覩此積慶垂難弟客西江從
我不暫離危言動權貴談詩解人頤同朝遇難
兄未面心先知文華徹宸帑行昭羽儀懽然

顧寒士慷慨衆迺推嚴冬雪翻絮飲我堂上卮
別來倏幾載江上纔一麾青山謝公宅髣髴猶
當時惠連更清發攬衣往從之緬懷彭城會風
雨情無違孰云今昔殊事往若可追笑我辭薄
祿歸耕類兒癡四十奉慈母晚嗟憂患罹歲月
不相貸偷生苟棲遲聖賢有前躅名詢古所隨
騰驥亦何意矧迺齒髮衰多君遠相訪艤舟烟
水湄恍惚若初覺既見還驚疑問舊漸零落審
安心稍怡壺觴粗返款真率分所宜酷暑汗雨

決終朝竟忘疲喜傳二州政成瓜將及期東南
美官况斯文尚堅持側聞賈使君協恭泐民彝
公餘愜幽賞黃鍾和埴麓凌高重懷思輕颯起
清漪

天遊亭

涼秋馬肥健山行快開心斜陽衆峯出豈待窮
追尋茲亭獨崔嵬超然散塵襟瑤漢湛虛碧靈
颯蕩幽陰澗漾連沃野蒼茫俯喬林真遊本無
馭妙道悟匪深麻姑去何年樓居集華簪棟宇

蟬高下薜蘿徑蕭森玄蟬解新蛻嘒嘒高樹吟
物理感時遷世轍徒駁懷我學仙術孤雲度
遙岑

畚陳華仲 五首

海上三神山上有學仙侶冷々紫簫聲吹作飛
鳳語迴颿蕩溟海散落成烟雨豈無知音者一
振九苞羽持之獻天庭上以奉明主
白玉蘊奇璞混在沙泥間輝光豈不媚過者誰
為顏一朝匠石工琢之成匪艱五繅藉蒼碑九

章粲玄環世人始知貴仰瞻發長歎

一鶚摩九霄鷲鳥空累百結交四海內知己何
其窄文章未易識舉世常見惑橫琴待鍾期泣
珠愧淵客長雲去蒼々俛仰空嘖々

鏤冰為文章點鐵化黃金術成將何施念此工
力深知者自相尚豈復論升沈勗我保名德幽
光隱華林

貧賤交有道富貴多異途所以古君子擇交嚴
所趨霜劍閑寶室烈士發長吁隔世或相慕同

居分越吳寥、千載間羨彼管鮑徒

夢故人

千里萬里道三年二年別鴻鴈去復來我友音
書絕夢中忽一見欵語情更切覺來失處所殘
缸半明滅相思各天涯長夜寒慄冽風霜草木
變貧賤不易節中心諒誰知素月當空潔

送牟景陽并寄其兄

獻翁魯靈光伯氏清廟珎斯文澍後學醲浸如
飲醇前哲端可踵念此道屈伸恬然山中趣白

雲結芳鄰別久歲年晚渴思欲生塵何時遂歸
隱青燈願相親仲兄慷慨士相逢客清都隔屋
重情好詩酒時與俱子方留上京揚袂青雲衢
天祿虛校席冠豸浮薦書才名動觀聽笑我何
闊迂重來遂握手臨風憶翔鳧北風天初寒驅
車戒晨途餞子地千里况客天一隅會遠匪贈
言情鬱何由舒引瞻赤城霞逢衣領群儒橫經
振家學舉酒奉親娛勗哉遂至樂世榮復何如

題董簡卿所藏瀟湘圖

瀟湘在何處展卷心悠然是中有雲飛上與蒼
梧連憶昔弄扁舟載雪清江天湘君招不來明
月隨我前微鍾破征夢落鴈栖寒烟迴首行萬
里攬衣羨孤騫可憐楚人辭樵悴窮歲年圖書
豈不好此意誰復傳已矣三嘆嗟臨風叩商絃
和虞德生教授韻

涼雨夜如沐微風激商灝紛云窮日力燕息養
冲抱虛名亦何為顏色倏已老晒彼楚野民則
是期售寶山中豈不樂饑來格蟻草聖言希方

策後世謾論討出處寧有殊所貴在聞道
境靜人跡稀虚心似觀內夜深氣逾清稍覺絕
世憤至言析精微古誼感勞徠天游本非難道
大豈能載焚珠走盤落駁歷塊推物寧免
拘離形庶無碍長風起冷然期子挾仙珮

夜坐

京國雨初霽虛堂夜氣涼新月上團坐久流
清光露葉閃明晦河雲互飛揚機籟發天秘起
弄琴與觴千里同今夕幽愁結中腸濕螢低復

舉栖鳥亦驚翔適時物迺貴人生何慨慷
夜夕境逾靜居然庭樹秋氣機發群動時節無
淹留涼露浴蟾采浮雲澹河流微生競如髮瀰
思志常周精爽一以竭榛烟蔽前丘道貴善持
養日入當偃休寄言學仙子文字徒冥搜

謝鄧善之素伯長二兄兼次韻

炎夏何所適高齋澹忘情窮變士固常坐閱時
晦明巷永黑潦積雨餘絲陰生酒罇已復空書
帙徒充盈悠然尋尺內睡覺起徐行開門遺篇

翰溢耳流詩聲溫鄧子辭至寶道傍橫素生
雲間翮世網亦暫嬰時還赴清燕我抱一為傾

京城客館

公宇日無事閱書稍怡情浩漫罔窮極靜定悟
始明籠禽動幽響庭草遂微生俯念節物變宴
處常思盈寧復辭勞苦王事驅我行雨餘夕陽
酷空雷殷殘聲暄爽倏未定雲勢方縱橫訪遇
當獲趣及茲煩抱嬰何時故園友濁酒與同傾

集廉園

宿雨洗炎燠，聯車越城關。廣墜隘深潦，飛棟栖
連闌。行經水石勝，稍見華竹環。陰靜息影迹，窈
窕紛華丹。競，是非責，係，賓友閑。蔬食常苦
饑，世榮竟何攀。學仙本無術，即此超塵寰。
抱疴屏囂俗，荆扉午常關。新沐散腰髀，縱騎踰
通關。列袂淪雲茗，叩琴墮瑤環。群樹藹新綠，孤
華粲微丹。拭目咸展趣，曠心自逾閑。東山豈云
遠，駕言事躋攀。馬能踵重迹，擾，走區寰。
長春宮同伯長德生儀分韻得山字

古道蔭樹色，橫槎度溪環。上方鬱樓觀，爭嶸俯
塵寰。兩，白玉童客來，啓重關。似非勝者流，此
日詎可攀。攬衣空中雲，拄笏城西山。烈風忽晝
起，薄霽天已慳。拂日坐寒窳，垂綬汲清深。悠然
時自得，一咲開我顏。玄鶴亦交唼，乘虛動輕羶。
安得與之化，千年却當還。

題淵明圖

若士超世流，高風凌飛僊。倦懷經濟術，嗜酒豈
自然。去之千歲間，才賢孰相先。畏途轍皇皇，歸

歟袖翩、日暮孤雲飛黃花澹秋妍坐憐王弘
輦矯首南山顛

贈碧溪相士

雨霽秋色淨新涼方可人溪流碧如染照我頽
髮真平生作詩苦羞拂鏡中塵為向無菴說歲
晚願為隣

觀梅貽賈元播刑部

結根歲年老遠歷冰雪餘居然異土性發英遂
蕭疎抱貞亦豈銜知音固有殊桃李惜顏色強

立春風株昭被雨露榮道味仍清腴皎、物迺
忘寧畏緇塵汙晚月忽弄影清香襲芳裾念茲
百年遇奚必孤山逋棄置真自知一言重君吁

同元學士諸公以落月滿屋梁猶疑照顏
色之詩為韻賦贈鄧提舉之官江荆

天寒道路遙歲晚風雨作虛名諒何為矧此懷
抱惡子行既云愜離居愧子索物盛固有時空
山正彫落

悠、故入心皎、江上月行、道中乖冉、孤

雲隔相望一何遠相思幾時歇月虧會復盈持
以心不滅

江湖起秋風矇目塵黯曠挂席飛雲顛行子歸
意滿寒予如病鶴欲逞翅常短悵望不能休城
高莫山遠

斯文日已弊何以振靡俗維茲東南州前哲賸
膏馥儒志室列華要歛職重攸屬育材體菁莪懷
居詎私洲奔々彼黍墟黯々亡社屋懷哉鴉林
音淅風徯斯復

昔我事遠遊茲焉屢星霜子行雖云先受秩已
還鄉玄髮日以改夢寐侍親翁風靡波逝川欲
濟寧無梁枉道誠自羞貧賤士乃常緘情睇天
末冥鴻亦驚翔

停車子知躑把袂我夷猶念此離別難况乃交
契網雨霽白雲飛日斜紅樹浮望極意逾遠愁
多身更留豈無負郭田何苦事遠遊歸來亦從
人商歌激高秋

鼃禁肅弘敞璇題映清池砌日轉午陰踈桐靜

交枝曳裾接劍履輝華矚名香列職諸俊良萃
拔五采儀晨飢卻瑤餐翱飛念何之豈無戢翼
思矯首鳴聲悲積簡護緗襲來詞俟雕搗羅致
詎云晚占情竟奚疑優哉西湖居虞彼此山移
濛濛雲氣深渺瀛洲嶠關情重迴首滄波閃
紅照

白雲一觴酒雜思滄溟間子行勿復居念我何
當還杳飛鴻書瑟清鏡顏潛機不私貸歲
月忽已闌贈之雲錦章譬彼蒼玉環何以解塵

綏幽泉弄瀉

漱西湖波宛漫山色輕颯轉歌舫車盖妍
溼飾慷慨少年子仰箭墮飛翼歛然天一涯茲
樂豈再得勗哉重言辭慰我遠相憶

夜坐

皎凍雲被燎群星臨高齋永今夕虛櫺閃
華陰被美勞我思迢遙隔川岑微火漱石鼎驟
颯振懸琴維昔功業彰歲月念已侵凝塵隱旆
色堅冰戒車音豈無五畝園藝耕盡高深曠志

虞捐疎名義夙所欽神交倏遊夢起坐一整襟
伯長南歸余方北行以詩見貽因和以謝
古士今已矣交道日以淪執交萬里路念此古
道存離別忽及期情結難為言旅鴈聲嗷：歸
燕影翻：駕言方舟適挹彼河之源晨風起崇
甸維北正我轅志氣豈不樂白雲慰前騫詎為
戚促懷上累徃哲論七星耿終夜巨海賓朝暾
勿嗟遙相望寧能戀丘園起歌復為舞願酌臨
岐樽

洪璜驛樓

朝雨路絕塵晚晴雲起山樓高亦可愛寄我須
史閑下瞰百尺洲靈恠蟠清深豈無澤物功汲
引常自難崇甸曠泯俗郵兵衛塵關永言託遐
征羨彼飛鳥還故鄉望不極脊脊蒼冥間

上京

維北千里遙山嶠極蒼冥車行輻屢折崎嶇倏
旬經聽履事朱闕秉翰直彤庭烈風駭九夏中
天橫七星至治謝藻飾尸居愜深寧旋駕諒有

時凭高睇南垞

詠史

伊昔聞漢武英風弥八區拓邊開諍路
群臣趨正色折平津分符居海隅
談諧侍清宴從容保金軀
手招王母未環珮鏗瓊琚
寄茂陵草千載令人吁

雪晴

今晨持我書燕坐雪照屋
閉門謝塵鞅展卷自朗讀
衆說初若攻真思意繞復
旭日上圍清

泉渙春綠涓々晴欄溜洗眼
濺飛瀑豈不事遊觀驅馬泥
及腹永懷同袍士歲晚在空
谷好風忽東來起翫庭下竹

送夾谷伯敬之官單父

燕州連日雨六月寒裝綿閉戶
斷車轍備途溢如川朝晴悅物
性槐陰起初蟬衣篝曝餘潤照
眼階葵鮮聞君去儀曹五馬行
翩々緬懷古單父高堂坐鳴絃
政理日以媮寶此千載賢矧遭
歲饑夏潦仍相緣嗷々東南州
流移踵車船

死者相枕藉羸瘠甘棄捐民命懸守令壅遏誰
當憐君懷策世才往我寄承宣譬若善牧者鞭
擊打所先戴星亦有人何迺任力專淒涼二侯
遠故老應相傳我昔嘗經遊土風尚熙然迴河
抱阡陌桑麻綠浮烟豈無稌稻區草木紛華妍
維茲重責任慎彼澆俗遷會徵太史書家聲振
當年

送良史

西域人嘗學于江南除翰林編脩今省歸豫章

鬱鬱楚竹實飛鳳以慰饑鳴聲迺鏗和遂息蒼

梧枝時我一朝遇聚若五來施矯首滄江雲空
晴散何之豈不比翻翔悠々春予私驚颯起曾
波落日增餘悲去去勿久爾赴此遠大期來風
雁辭黃上寄簡用緝緘書離懷惜為子歌別離

亦樂堂

謝身榮名外築屋山水間華藥植前庭翳々佳
木環魚鳥相泳飛孤雲亦來還陟屺與所思百
歲遺以安豈無畝鍾田供此先祀盞當春光微
和耕作匪辭難脩膝起鱗々時雨弥滄灣鷄豚

自暮息難有雉筵酒熟誰共斟掩書一醉顏
南劍教授揭從年惠詩就次韻以錢

君詩何所似天颯灑琅玕示我春容篇讀之為
清寒於馬稍相接談經古翻瀾壘窮本源非
徒涉塵寰力趨仁義途愧此儒為冠詩者君之
餘嘆息鳴鳳翰時哉施威武德舞瞻羽干豈無
君言歲之于學官命教責匪輕辭訓嚴誥盤
嚴肅固云遠傾露排忠肝溶溶水如璜樂彼朝
英翰盡道今多岐鑿此孟與韓愧無仁言贈別

淡為君彈

壽閣承旨 二首

大道傳孔孟盛治躋虞唐造物重責任闢出非
才常隆金玉貴采麟鳳祥莊詞補天袞雨
露昭春陽令譽守嚴介崇居樂清康願為民物
壽詎止斯文光

清朝重儒術贊論知自來譬彼陽澤布生物遍
九垓豈無干時士挾策攀崔嵬後生厭藜藿遺
老甘草萊學者日以踈頽波何由迴願言壽斯

道為國培英材

盧溝野亭

出郭野塵絕青山開畫圖
迴岡萬井聚梁虹駕
川途杳々車駕集交臂無寧軀
粲此一畝宮而有靜者居花木
明窈深魚鳥樂澄虛濁醪得釀
法好客時與俱昔我東南來萬里
馬力瘠解鞍道傷樹塵渴嘗自沽
題詩忽在眼日暮飛雲孤

和袁伯長冬至燕集韻

黃鍾起葭琯玉樹華寶宴清交
寡常流鏗辭表

時考盈々勸浮蛆臠々簪綵燕
稚服稱儀新嘉
光列鄉薦香銷神用舒
甚覆心罷戰語華候奇
賦煮茗遂清咽虛幌雲度
英空簪水簪綠采言
悅書罷亦豈慕盤饌塵蹤
合流萍芳歲惜沈箭
念此遠遊逢令人久懷羨

題雲東軒

城中紛華地借屋得佳處
居然俗士駕欲詣不知
路門前柳陰深溪水清
可度我行萬里倦頗
覺懶成趣有時忽來坐
談笑竟忘去孤雲遂閒

適悵望心所寓平生曠蕩懷落筆題幽素要當
居軒冕此理常自悟酒興方未闌青山任朝莫
題陳氏所藏着色山水圖

獨卧曉慵起夢中千萬山推窓烟雲滿一咲只
尺間嬌、美人粧金碧粲笄鬢素波淨如鏡綠
蘋點滄灣英裁筆墨工貌此意度閑孤禽立圓
沙漁舟遠來還我方厭闌市坐對忘朝餐安得
林下扉深居長掩關

雪中

夜寒如卧冰朝雪擁我廬開門盈數尺呼童掃
前除梅花費追尋色養何以娛瓊樓起突兀玉
樹長扶踈咲瞻鶴髮垂容光照豐腴獻歲元紀
新履此景運舒辭秩久未歸清白方自居賦性
本太素養之况冲虛融、若可釋皎、豈易汗
秋酒釀成缸烹茶拾薪枯庭雀何飢飛時聽哺
林鳥先時期一稔占祥彌八區會當上太史首
作玉眷書眷字恐是春字
用春王正月事
題楊玄翁千載心堂

明：一寸心聲自天地始傳之無終窮豈曰千
載止念昔川上人長波歎流駛簡編日以繁烟
海浩無已惟茲道弥高屹若尊嶽峙冥思契前
哲焚香燕清几晒彼朝夕謀振木為君起

書巢

吾聞大古時構木巢為居聖人作宮室後古漸
夸淪達者會至理淳風復其初闢室方丈間所
向無非書典墳久茫昧綴家紛在迂殘經耿星
日補緝慚漢儒豈無百家作充此積架儲浩若

棹烟海仰瞻在天樞伊誰以巢居何當與之俱
棲安類倦翮乾熱同蝨魚朝灶偶在戶飛鳩鳴
屋隅枯枝結樹杪反觀尤裕如物理匪有殊今
人發長吁

秋日陪大學士趙公懋龍山玄真宮

岩：居庸關左挾飛僊居蒼茫四山合石逕穿
盤紆人家稍相接林木何森敷觚稜生曉烟玄
風凌紫虛念彼羽流集豈與世俗居溪流轉雲
碾餘潤分園蔬鍾磬谷空齋供薦芳腴穿碑

紀宗傳道一教乃殊素冷貴崇本卒歲事耕鋤
漁父在何許空有桃花抹坐慚秉文幹尸祿常
曠迂日暮陟曾顛丹霞成長裾遙睇室中雲超
然能卷舒

題城南讀書圖

來我日下居偶見城南畫蕭然松竹間聽此風
雨度黃塵蔽烏巾青山開白社安得携束書友
尔閒靜者

題歐陽氏思亭

鬼：墓在郊孤子客遠鄉念昔霜露凄三年廬
墓傷忠節父母全子何能顯揚釜祿不逮養衰
情為之傷冥冥終天訴悄悄歸路長高林蔭枳
棘飛雪暫迴翔斯道期遠大殘經究微茫勗哉
重孝思湏臾豈能忘

題群鴈圖

群鴈真可愛政與凡禽殊所樂在江海極來能
自如漸陸常以時飛鳴遙相呼飲食事少飢宿
擇沙水隅可人客西方不寄南來書橫室亦有

字浮雲為卷舒渺々烟草闊蕭々蘆菁疎何當
泛扁舟翩然與之俱

登齊山

出郭行五里落日衆山赤中環翠凝巒秀色起
千尺風流杜牧守壯語鐫妙畫我來嚴冬初恍
仰一今昔人烟久變故鬼恠據幽僻披叢得小
徑往來遭折屐亂石排犬牙荒洞泯龍迹空餘
岩前碑雨日自淋灸黃花既非時何以供太白
但須歷層巔一笑天地窄

銅官山

遙々銅官山逆水去千里山瘦木落水涸石
見底掉此一葉舟觀山復觀水得山可棲身得
水可洗耳中有千歲松根深茯苓美獨鶴巢空
枝歲晚知所止愧我驅塵蹤去去獨未已長歌
呼謫仙迴首白雲起

虎林玄妙觀

琳宮古崔嵬獨據山勝絕天光垂帝座照耀金
碧色脩廊接層厓俯目視深澤陰々木葉暗石

削蒼壁列流泉出嵌空六月灑飛雪平生功名
謀洗我肝肺熱同遊得幽人再拜摩斷碣興亡
見唐漢高爽了吳越更擬窮幽探馳景忽西滅

和胡則大贈別詩

乾坤秋氣清游子眼界闊雲起青山顛風動白
蘋未明一寸心光映波底月得稟天自然此
中本無物同遊愧君才李妙多俊傑昂然六尺
軀精采照玉雪毋為功名拘中路意慄卒不見
前者桐剪伐中琴瑟

茶蘼架

西園檢春事積雨斷餘紅荼蘼壓高架晚
日烘翠蔓點殘雪清香度微風幽人對之坐
然此心同裴徊不忍去片月未高室宛如萬玉
娥素袖舞雲中珠璣露顆綴翠佩烟光籠愛華
不受折枝柔刺盈叢撈酒醉其下憇此良夜終
宿鳳口會九萬兄

扁舟下滄溟日莫浮雲散青山來隨十里行
不斷古屋集人烟纖纜臨絕岸誰知兄弟情避

迨忽相見，篙師輕波，潮呼嘯驚。夜半貪程，慮涉險，欲往還自，算維達視。天宇白，露下凌亂，衆星亦已沒。落月破微，暗念此局促，身修然重二嘆。

過雷川橫山

山迴溪流奔，馳目古壘。會有百年祠，行者多再拜。乾坤秋氣高，蕭瑟鳴萬籟。青林魑魅，素鮮風雨，壞獨憐神明。功扶植古木，大矧余及凡物。朝夜顏色改，俯仰亦有時。感慨獨無賴，夕雲念群征，舟楫具楚外。

自紫極宮出關謁徐孺子墓

高城練江曲，登閣聚遐觀。睽此靈迹，殊偷然俯塵。寰煙樹翠，偃蹇汀洲。雪瀰漫舟檣，列林幹野市。宣城闌緬懷，吳僊遊逍遙。駕蜚鸞，流光閱千歲。倏焉去無還，遺世亦有徒。羽衣鑰玄關，沸鼎聽雲茗。巢松羨風翰，簡書亦何俗。生愧半餽，問同懷二三友。驅馬復縈盤，前郊昔蒙密。落葉地始寬，岩堯漢士墳。吊酌涕汎瀾，勲業豈不崇。名義夙所難，驟暄變輕袂。稍覺霽景慳，遷境勝無

窮西日銜晴巖

登虎丘山

古士雅巾屨具舟約芳游朝晴出西郭午涼登
虎丘松逕度遙嶺歷此層級脩當時吳王劍劔
光裂岩幽平甸眺萬頃閒瞻煙樹稠頗聞山僧
賢飛錫下林陴獨遺方丈空於馬集清流一簞
可平生豈惜半日留煮茗試泉列樊香延宿篝
疎雨催晚歸溪波散浮漚

即事

眺望高城上曠遠散羈愁西郊霧初歛山光翠
欲流井潤沁蔬畦樵歌落榛丘林疎見村屋翳
翳炊烟浮興來詩偶成工拙何暇求有懷陶元
亮千載當與儔

藹：群樹林疎雲莫來歸紛：飛鳥倦歛翮相
因依臨軒方獨坐涼颯吹我衣物理固有常悠
然悟其機山中豈不樂躬耕自無饑百年事未
晚何勞歌昨非歸歟友田父一樽聊可揮

歛迹居陋巷况值風雨時朝晴稍悅性驅馬何

所之交朋數斯疏貴達分異宜前路方畏暑把
轡獨遲疑何如且復止委心尚書詩揚：空中
蝶：庭下蕙芳物足可翫感衰身迺隨士生
貴有名固窮庶無虧寂寞非已沒名在亦奚為
悠然南山下愛酒人自知

聞張孝清學士田兵部訪郝尚書于西山

春山如美人盈：弄顏色秋山如烈士磊：吐
胸臆行樂豈不佳好尚隨所得推窓致爽氣蒼
翠浮巖芳况復九月文悵望情何極淵潛自綜

曠厓轉迂迂直委業護荒苔寒英耿叢棘勝日
集群彥言咲遂幽陟離索何以寬愁思居然積
振衣欲相從塵事勞屏息高歌傳雲車願寄西
飛翼

題舜舉秋山圖

浴：白雲度宛：清溪流磊：數峯立鬱：群
樹稠何人結茅屋坐俯林塘幽平生采芝藥豈
識人間愁危檣引微暉落日涵孤洲我昔山中
居景物窮真搜展圖忽自慍悵望何當游極漢

啖賓鴈空烟澹歸舟學道有窮達忍作終身謀
寡知亦將去茲馬暫遲留

思親

我涉江與淮思親日以遠朝行夜忘寐念此情
繾綣虛名亦何為逐末乃舍本駕言偶成興中
路悔已晚白雲起悠悠清泗流宛宛仰慚林間
翮日莫倦知返萬里萍泛波三年馬馳阪賦歸
何辭遲相望願強健愉愉手足情奉侍加飡飯
貢文靖公雲林詩集卷之一